



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Labour, Social Policy, Displaced  
Persons and Refugees

Broj: 13-02/01-05-23628-27/19  
Sarajevo, 19.08.2019. godine

**SKUPŠTINA KANTONA SARAJEVO**  
Služba za skupštinske poslove  
- O v d j e -

**KANTON SARAJEVO**  
Stručna služba Vlade  
N/r Sekretara  
- O v d j e -

Zastupnica Admela Hodžić je na 10. Radnoj sjednici Skupštine Kantona Sarajevo, održanoj dana, 24.06.2019. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovnikom Skupštine Kantona Sarajevo, pokrenula zastupničku inicijativu:

**“za utvrđivanje i priznavanje statusa “samohrani roditelj”, odnosno roditelj koji odgaja jedno ili više djece bez sudjelovanja u odgoju i izdržavanju ili djelomičnog sudjelovanja u odgoju i izdržavanju drugog roditelja.”**

**ODGOVOR:**

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je gore navedena inicijativa zastupnice Admele Hodžić, a koja je sa pažnjom razmotrena u okviru ovoga ministarstva.

U tom smislu smatramo značajnim istaći da se Porodičnim zakonom Federacije Bosne i Hercegovine ("Službene novine Federacije BiH" br. 35/05, 41/05 i 31/14) uređuju: porodica, brak i pravni odnosi u braku, odnosi roditelja i djece, usvojenje, starateljstvo, pravni učinci vanbračne zajednice žene i muškarca, prava i dužnosti članova porodice u Federaciji Bosne i Hercegovine, te postupci nadležnih organa u vezi sa bračnim i porodičnim odnosima i starateljstvom. Nadalje, predmetni zakon propisuje, između ostalog, da se uređenje odnosa u porodici zasniva na obavezi roditelja da osiguraju zaštitu interesa i dobrobiti djeteta i njihovoj odgovornosti u podizanju, odgoju i obrazovanju djeteta.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Imajući u vidu sve navedeno, smatramo da se predmetna zastupnička inicijativa, jedino može tretirati kroz izmjene i dopune predmetnog Porodičnog zakona Federacije Bosne i Hercegovine na način da isti definiše termin "samohrani roditelj", njegova prava i obaveze u smislu osiguranja zaštite najboljeg interesa i dobrobiti djeteta, te odgovornosti u podizanju, odgoju i obrazovanju djeteta.

Međutim, uvažavajući činjenicu da samohrani roditelji pripadaju osjetljivim kategorijama našega društva kojima bi isto trebalo da pruži dodatnu podršku i zaštitu, ovo ministarstvo će prilikom izrade izmjena i dopuna Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14-Prečišćeni tekst i 38/16, 44/17 i 28/18) razmotriti i mogućnost uvođenja kategorije "samohrani roditelj", kao posebne kategorije korisnika socijalne zaštite čime bi se samohranim roditeljima u Kantonu Sarajevo omogućilo, te pojednostavilo i olakšalo ostvarivanje prava po osnovu navedenog zakona.

S poštovanjem,

Pripremila: Smaragda Lučkin, stručni savjetnik  
Kontrolisale: Cica Pljevljak, šef Odjeljenja  
Slavica Gorančić, pomoćnik ministara

Dostavljeno:

1. Naslovu,
2. ministru,
3. a/a.



MINISTAR

Mark Galija



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089. Fax: + 387 (0) 33  
562-090  
Sarajevo, Reisa Džemaludina Čauševića 1



Quality management system  
ISO 9001  
• Customer focus  
• Customer satisfaction  
• Continuous improvement  
• System process effectiveness  
ID 15 100 63666